

الإسلام دين رسل الله (للحرمين)

Àlsilàamàtèrè bara Irikpe dìyàyo kulu ñmene adiini nò

Beiyo ñmene Hanja ká ă latiyo nna Adiini Sénni tɛyo Bònɲòtèrè Gbei dō ká à gono Kăba Jìnjire nna Andebi Jìnjire kuna

Tila wò gu àlsilàamàtèrè kunkuni à hɔnnɛyo ga nò, kó cibayo ká à bara Bònɲò Fò tère Fɔlonku ñmene adiini nò. À gu Irikpe Fɔ ká À Bara À Fɔlonku Gonoyo cimmanīyo , nna ká Muhammadu (Irikpe mà à fɔ ka à sáabu ka à yéenanī) bara Andébiyo mɛɛwì nò. Nja à gu aadalsi nna dèidèi tère barayo tabbataniyo , kó malaayikayo nna ciyáama kēiyo gonoyo cimmaiyo kpěne. À dù ka bara adiini ká ń bòrɔ hei nnā nò ka yei ka bara lăakali ñmene adiini ká ă cɛ kó kpee nnā jìnde nɔyo kubènte Irikpe sɛ ga, kó nàmu anduniya nna láahara ñmene bɔnkáani mà tɛ (à gànàkpɛɛyo sɛ) .

Àlsilàamàtèrè bara Irikpe dìyàyo kulu ñmene adiini nò

Beiyo ñmene Hanja ká ă latiyo nna Adiini Sénni tɛyo Bònɲòtèrè Gbei dō ká à gono Kăba Jìnjire nna Andebi Jìnjire kuna

Àlsilàamàtèrè bara nò jìndè nɔyo kùbènte Irikpe sɛ Kpei Ká Nja nò haliita kulu Hàlilitàkpe nna à Bèrè Bèrèkpe, nna bònɲò kùsũm nɔyo À sɛ À bàkàsine nna À bèeraniyo nna À jirimaniyo bònɲò. Àlsilàamàtèrè di kɔsɛ nò cimi nɔyo Irikpe sɛ, nna cimi nɔyo ká Nja nò Hàlilitàkpe , À bàasi hèi kulu bara haliita nò, Nja yă himaayo nna bɔɔtayo À sɛ À Fɔlonku À sinna

wece, hèifɔ si ká ñ ba boota ŋmáa à se nna cimi fàase Nɲa. À gonna Maayo Káayo Ñ Bòoriyo Bìsayo nna Zémyo Káayo Ñ Jirima nna Ñ Kùbeyoo Bìsayo. Nɲa Nɲa yǎ gonna Tɔyo ka Kube Henna Kulu ká hartayo fɔ si À Kuna .À ná hei Ñ bine ná À hei , heiɔ bine ná bara À cine bère À hìmakàsìnè. À suu zùmmu ka hulo À hàliita fɔ gáa kunā À bine suu À Bɔɲɔ bère ka ci à hàliita fɔ tàka .

Àlsilàamàtère bara Irikpe Ká Ǻ Béeriyo ŋmene adiini nò ká À suu adiini fɔ ta boroo se à bàasi. Nɲa yǎ dù ka bara adiini ká Andebiyo kulu kà nnā (yèenaayo mà tɔ ñ ga).

Àlsilàamàtère ŋmene kɔseyo kuna nò cimi nɔyo dìyàyo kulu se, nna cimi nɔyo ká Irikpe nà dìyáyo di dǔntɔ kite nò domi ñ mà À Fòoroyo tɔyani À tàmyo ga, nɲa À nà tilayo zumanī ñ se, nɲa dìyàyo di kòkòrò nò Muhammadu (fɔyo nna yèenaayo mà tɔ à ga) ká Irikpe dǔntɔ nna À Kpèitère ŋmene sàriya ká à bara dìyàyo káayo ñ jina à se ŋmene sàrìyàyo mèewì nna ñ tùusùkpɛ. Nɲa Irikpe nà à tèemako nna màamaaci hàya bèeriyo ká ñ kuna wòka à bàyoo bìsayo nò Àlkùrani Jìrimànte Ká à bara hàliitayo kulu Nɔrukpe ŋmene Sénni , tila ká à bayoo bìsayo tila kulu kà bǔrò tère bei nò ya, tila nò ya ká ǻ haliita kulu mɔɲɔyanīyo à tàka kànaayo, hèika à gono à kuna dɔ kàmmɛ nna à sénni gure dɔ kàmmɛ nna à sɛsɛreyo dɔ kàmmɛ. À kuna hìnì cìbayo ka kpee nnā cimi dɔ gono, cimi ká ǻ tɔyanī bɔnkáani ga anduniya kuna nna laahara, à dù kó sarīyo nò hali hǔ nna

làarubu cìnè ká à zùmmú nnā , ò ná bâ ibîi gùre fò bere à kuna ò bine ná à bàaru .

Kpěene Àlsilàamàtèrè kòseyo kuna ò cimi nɔyo malaayikayo se, nna cimi nɔyo hanu kòkòrò se, hanu di kuna bine ò Irikpèe boroo turanī zǎ ò sàarēeyo kuna ciyaama keiyo hene domi À mà ò gbeiyo kabu ka ò bana te ò se. Warka à ò ihennɔyo te cimi nɔyo bònɔ̀ gona gomini dawwàmànte Àljanna kuna, warka bine à céfèrì ka gbei làalɔyo te gona azaaba bèerì nìnè kuna .Ya ò kpěene Àlsilàamàtèrè kòseyo kuna ò cimi nɔyo hèika Irikpèe haw ka jisi se à òmene ihennɔ aw à òmene ilàalo.

Àlsilàamayoo cimi nɔyo ò ká Andebi Isa bara Irikpèe tàmmò ka yei ka bara À dīyà, kó cimi nɔyo kpěene ká à ná bara Irikpèe kōo; domi Irikpèe Bayo ò kó Bara Jirima Béerìkpe Ká à suu te À 'n gona wèi bèrè kōo. Àmma Irikpèe nà iri nɔ làabaari àlkùrani kuna ká Isa bara Andebi ò ká Irikpèe nà à gòminī munjiza(1) tūtuumà, nja Irikpèe nà à dǒntɔ ò à mà à boroo cè ka kpee nnā bǒɔta òmáayo Irikpèe Fòlonku Ká À sinna wece se ga. Nja À ò iri beiyanī ká Isa ná cèejì boroo ga ò mà bǒɔta à se, cèrè bɔɔɔ mǒsóm bara ká à Hàlìitákpe se ò ǎ bǒɔta. òmá.¹

Àlsilàamàtèrè bara adiini ò ká ǎ sawayo nna bǒrɔ haliita tàbiya dèidèinte nna laakali àlàafiànte, nja bìnè dèidèinteyo gu à tayo. Hàlìitákpe Jirima

¹ Màmáaci hàyà ká ǎ hunuyo òmàani nna hèika à bara bèinte dǒnènte ká hàlìitayoo mǒnɔ̀ à tàka teyo.

Bèerìkpe yǎ nà à ci àsaria hinì À hàliitayo se, à bine bara alhéeri nna bônkaani hinì nò bòrò kulu se. À suu dimi fɔ fisau ka teke dimi fɔ ga, dɛ bine gáa kama fɔ ka teke gáa kama fɔ ga, à kuna boroo kuluu sawayo nna cere nò. Àlsilàamàtère di kuna bòrò fɔ su fisauyo kó tekeyo à hansinè ga fàase nna à gbéi henno zaka .

À bara tilasi nò bòrò làakalinte kulu mà cimi nò Irikpe se ká Nɲa yǎ Bara Nɔrukpe, nɲa àlsilàamàtère bara adiini (yardante Nɔrukpe di dɔ) , nɲa Muhammadu (Irikpe mà à fɔ ka à sáabu ka à yénanī) bara diyà, zaɲa ya bine bara fòoro fɔ nò ká à kuna bòrò sinna fisauyo fɔ ; domi ciyaamā keiyo hene Irikpe ba à hǎ heika á tùtu nnā diyàyo se; dɛ à bara cìminòɔri nò à gonna bàa nna bana bèerì jìrìmànte, dɛ bine à bara cɛfri nò hasaara bàtùme kpaare ɲmɛnɛ gono à se.

Àlsilaama bine nò warka ǎ cì : (Ach'hadu an laa ilaaha illal-lɔɔhu wa Ach'hadu anna Muhammadan rasuulul-lɔɔhi)

Á sɛda ká kpei fɔ si ká à hima n mà bòɔta ɲmáa à se nna cimi fàase Irikpe, nɲa á sɛda ká Muhammadu bara Irikpe diyà), à 'n dù kó gonna mɛɛcìnè di ɲmɛnɛ beiyo kó cimi nɔyo à se, ka yei kó àlsilàamàtère ɲmɛnɛ àsariya cìnniyo beiyo céɛji cɛɛnɛ cɛɛnɛ; domi à 'n dùwa kó tùnu nna hèikáayo Irikpe nà n ci à ga tilasi .

الفهرس

No table of contents entries found

ddn446v3.0 - 06/09/2026